



Universitätsbibliothek Paderborn

Ivdex Magistratvs Senator

Zype, Franciscus van der

Antverpiæ, 1633

Cap. XXIII. Monita Miscellanea.

urn:nbn:de:hbz:466:1-14280

vel fieri sustineant, Ecclesiæ vel alia quæcumque ædificia, que (considerato fratum inhabitantium numero) excessiva in multitudine, & magnitudine debeat reputari. Ideoque volumus quod ubique in suo ordine deinceps temperatis & humiliis ædificijs sint contenti, ne huic tante paupertati promissæ, quod patet oculis, contrarium foris clamet, quamvis etiam paramenta & viasa Ecclesiastica ad honorem divini nominis ordinentur, propter quem omnia fecit ipse Deus, tamen qui absconditorum est cognitor, ad animum sibi ministrantium respicit principaliter, non ad manum: nec per illas sibi vult serviri, quæ suorum servitorum conditioni & statui dissonarent. Propterea quod sufficere debent ipsa viasa, & paramenta Ecclesiastica decentia, in numero & in magnitudine sufficientia competenter; superfluitas autem aut nimia, pretiositas, vel quæcumque curiositas, in his seu alijs quibuscumque non potest ipsorum professioni vel statui conuenire: cum enim haec sapient thesaurizationem seu copiam, paupertati quoad humanum iudicium derogant manifeste.

Quamquam, inquam, haec ita olim decreta fuerint, tam
men mores hodie, & tempora quorundam alia iudicia ferunt, sed mores
videmusque templâ domosq[ue] mendicitatem professas antiqua apud alii
Ecclesiârum decora supergredi. Quia in re nec ego Consenij cen-
suram interponam. id de publico tantum dicam, urbiū a-
spectum per eiusmodi ædificia honestari, populi dignitatem au-
geri, priuatis per operas, mercimoniaque istæc nostratia præsertim,
vbi vilium mechanicarum personarum copiosus est numerus,
Reipublicæ eas molitiones utiles esse, dum suppeditatur quod
hi laborent, illi vendant; utrique vietent, augeanturque: Re-
publica otiosorum periculis careat.

CAPUT. XXIII.

Monita Miscellanea.

Magistratis, ut libro primo, capite primo strictim diximus, &
perquâm amplissimè tradidit NOTITIA Dignitatum varijs olim
utriusque Imperij: & quâm bellissimè explicuit G. Pan-
cirolij Commentarium non literis tantum, sed figuris etiam
atque imaginibus; in utraque Româ varijs admodum, alij atque
alij sub Regibus, Consulibus, atque Imperatoribus fuerunt, alia
atque

Bb

atque

atque alia officia, atque nomina. In orbe Romano ad formam urbis pleraque directa fuerunt. qui nobis, inquit Iustinianus Nouell. de Decur. 38. in princ. olim constituerunt Rempublicam, hi ex vnu fore rati sunt, si ad imitationem regie vrbis per singula municipia nobiliores congregarent, & formam quandam senatoriae curiae constituerent, per quam & publica tractarentur, & omnia recte fierent atque ordine. In Prouincijs Praeses omnium Romae Magistratum officia subibat. leg. 7. §. vlt. l. 8. de offic. Proconsul. Post inuersum saepius, atque euersum imperium Romanum alia vbiique vita alios mores postulauit, aliæ vbiique Rerumpublicarum formæ inductæ, officia, & potestates. In ipsa Roma retentis Magistratum nominibus saepius prout mutationes intendebantur, vnis vis addita, alteris adempta est: noui instituti ad veteres minuendos. Reliquum id est hodiernis temporibus, ut non ignoremus quidem Magistratum veterum historiam, tum aulicorum, tum eorum qui apud Principem erant, tum qui Prouincias gubernabant, tum qui vrbes & municipia. quos compendiose cum officijs describit Gudelinus in comment. iur. nouiss. lib. 5. cap.

2. Nunc attendendum quid facere eos oportet. quarto, quinto, sexto, & septimo. sed maximè ad ea attendamus, quæ à singulis leges exigunt: seu quo ad iustitiam populo per iudicia administrandam, seu securitatem populi armis defendendam, seu quæcumque ad vsum vitæ populo necessaria abunde habenda. ad quæ tria capita omnium officiorum cura, potestasque Iudicum referri potest.

3. *Eius rei summa.* Summam officiorum hanc facit Gudelinus dicit. capit. sexagesimo septimo, vt Iudices humaniter erga subditos se gererent, vt vindices forent criminum, executoresque legum; vt controvierias omnes subditorum dirimerent, vel sopirent, ne Principem sèpè interpellari necesse esset, ac vt minimè vterentur vicarijs, sed cuncta ipsimet obseruarent; vt curarent affluentem rerum copiam esse in vrbibus, ne quid ciuibus deficeret; vt inspicerent pontes, muros, itinera publica, aquæ-ductus, & reliqua opera ciuitatum, curarentque ea instaurari; ne permetterent quemquam sua signa imponere rebus ab alio possessis; vt denique puris manibus essent, abstinerentque ab omni concusione, & munerum acceptione, publicis stipendijs contenti.

In ingressu vt nihil darét vel promitterét cuiquā pro adeptione suę dignitatis, vt iusiurādū prestarét de Catholicā Religionē, de obsequēdo

do Principi; recteque administrando officio, de nulla pecunia data
vel promissa ad officium obtinendum; denique nulla accipienda
a subditis, & tributorum illatione iuste procuranda, de defendendis
subditis, eorumq; controversijs ex æquitate dirimendis, de vindicā-
dis flagitijs, de tuēda publica disciplina, de ministris deniq; bonis as-
sumendis, vt cautionē præstarēt tributorū nomine saltem nuda re-
promissione, quæ si foret omisſa, pro præstita haberetur, ne diu hēre-
rent in itinere otiosi, ne antequā fines Prouinciae ingrederentur, vlla
edicta mitterent, sed biduo tantum ante scriberent decessori suo
vt sibi cohortem obuiam mitteret, curarent quietam esse Rempu-
blicam, omnes tumultus prohiberent, ius ex legibus & æquitate
dicerent, omnium querelas audirent, cunctas lites breuiter expedi-
rent, bonos colerent, malos & nocentes pœniſ prosequerentur, ha-
berent rationem tributorum, nihil à priuatis acciperent, contenti
annonis quas de publico haberent, ne quemquam opprimerent, vt
iūſſiones omnes Principis adimplerent, etiam tempore decessoris
sui factas, vt in rebus gerendis minimè vicarijs vterentur, ne Pro-
uincias desererent, quām diu administratio ipsorum duraret: quin
etiam & aduentum sui successoris expectarent, vt deposita admini-
stratione quinquaginta dies in Prouincia permanerent: obserua-
rent ne etiam noctu delinquereretur, ne incendium oriretur, in in-
cendiarios, fures, effractores, adulteros, alios extra ordinem fustibus
& flagellijs, alios extremo etiam suppicio animaduerterent, ex-
pellerent ex vrbe inertes, atque errones, inquirerent de peregrinis,
curarent vt coloni ad agriculturam, serui ad dominos, cæteri om-
nes ad suam habitationem, suumque opus redirent, ne quis præte-
xtu litis diutius in vrbe hæreret: expellerent validos mendicantes, &
otiosos, vel eos ad opera compellerent, de conculsionibus & nimis
exactionibus inquirerent, nulla munera acciperent, pecuniarum
tam ex mulctis quām aliunde acceptarum aut expensarum tabulas
conficerent, viæ planæ, mundæ, tutæ vt essent curarent. Non sunt,
vt dixi, eadem hodiè Iudictum nomina, non officiorum distributio,
quisque diligentiam suam in ijs functionibus vt præstet oportet,
quas hodiernus vſus officio suo proprias fecit. quæ nostratum fe-
rè sunt, alibi diximus, & egrégie proponit Gudelin. d.c. 6. 7. sub fin.
præter supra Primum, & Prouincialia Concilia, Rationa-
lium Supremorum, & Protuincialium Conuentus militares, Pote-
states & Auditores.

Magistratuū enixa cura esse debet, vt sint orphanotrophi, qui pa-
rentibus atq; substatijs destitutos minores sustentet; brephotrophi,
qui alumni sunt infantū; ptochotrophi, qui pauperū & mendicorū;

Xenodochi qui aduenas, ægrotos, inopes, debiles, inualidos hospitio excipient: nosocomi & gerontocomi, quibus curæ sint valetudinarij, & senes, & ut maiorum opes in has causas olim collatae omnino secundum extremæ voluntatis stylum impendantur, neque quocumque citra supremum Pontificis arbitrium diuertatur. Clem. quia contingit de relig. dom. Trid. s. 7. c. 15. ut sit cura captiuorum domi alendorum, foris redimendorum, expositorum infantium, ne alij quam Christiani, orthodoxi ad Reipubl. curam, vel administrationem, vel iuuenum institutionem admittantur, haereticici coercentur, relegentur, præsertim qui lotum reuocant ad fontem, iterant quod semel est, aut duplicant quod vnum est, qui à religione desciscunt puniantur, signum crucis humi non sculpatur, cæteræ fidei tesserae reuerenter habeantur, Iudæi obseruentur, ne Christianum mancipium possideant, aut circumcidant, pagana sacrificia ne fiant, qui ad Ecclesiam confugiunt loci reuerentiâ defendantur, C. l. 1. t. 3. usque 13. si contra ius vel utilitatem publicam quid fuerit impetratum, à Iudicibus non recipiatur 14. 22. ne matres familiæ domo extrahantur in forū, ne Iudices confundant inticem dignitatum gradus. tit. 48. ne commercia illicita exerceantur. tit. 52. Iudices ne illicite contrahant. tit. 53. modum mulctæ ne excedant. tit. 54.

4. Iudex ita omnibus accessum ad se facilem det, ut omnium desideria audiantur, ne forte dum aliquid honori postulantum daceat, Index vel improbitati ceditur, mediocres desideria sua non profereant. leg. 9. de offic. Procons. Cognoscant omnes, inquit Iustin. quia & maximorum, & mediocrum, & pauperum nobis cura est: & nihil est tale, quod à nostra sollicitudine remoueamus. In Auth. de defens. in fin. etiam serui audiiri debent, si verecundè expostulent, si saevitiam, si duritiam, si famem, quâ eos domini premant, si obscenitatem, in quam eos compulerint, vel compellant, exponunt. Hoc enim ad officium eorum pertinet, ut mancipia tueantur, ne prostituantur. l. 1. de offic. præf. Vrb.

5. Aduocatos quoque potentibus debebit indulgere, plerumque scemini, vel pupillis, vel aliâs debilibus, vel eis, qui suæ pupilli, & pauperibus mentis non sunt, si quis eis petat, vel si nemo sit qui petat, vltro eis dare debebit.

6. Primùm caput in Authent. de mandat. Princip. est; ut Iudices puras Deo & Principi seruent manus, nullum lucrum nus seruet. contingent, nec captiosum aliquid contra subiectos faciant, contenti sint stipendijs fiscalibus. & Authent. de Iud. c. 7. ut nullus presumat transcendere, quæ in sportulis aut litis expensis disponit.

disposita sunt, ut neque ab eis aliquid peccetur, neque prodatur, neque malignè agatur.

Ad hæc oportet Ecclesiæ reuerens sit, & privilegia seruet, & in primis vt omnes Ecclesiæ à sordidis muneribus habeant immunitatem, & quamcumque iurâ aut mores patrij concesserunt, nequaquam imminuat. Parochialibus Ecclesijs faueat, in ijsque diuinâ audiat. matræs hæ sunt, & directa linea attinent: cæteræ laterales consanguineæ. Illis cuiusque cura demandata est, siue prospera gaudeant siue aduersa fortuna conflictentur. hæ copiæ sunt auxiliares. hinc & Iustin. in *Auth. de Ecel. tit. §. si quis.* mandat, vt legatum Deo relictum, Ecclesiæ deputetur, vbi testator domicilium habet.

Decorum semper Index seruet, comparato respectu sui, eorumque quibuscum agendum est. Admonuit apud Tacitum Tiberius <sup>Ecclesiastam
reuerentur.</sup> L. 3. non eadem esse decora Principibus viris, & Imperatori, populoque, & modicis domibus aut ciuitatibus. Vnde & illud Alexandri apud Curtium, Et ego id agerem, si essem Parmenio. & Electrae: Adora tu illos, meos id moris dederet. Themistoclis amico inter cæsos hostes aureas armillas ostendentis, Tolle tu hæc, qui non es Themistocles.

Etiam in aduersa fortuna sui ne obliuiscatur. ita Marobodius Tiberio scripsit, non vt profugus, aut supplex, sed ex memoria præteritæ fortunæ. Tacit. l. 2. & Mithridates apud Eunonem prece hand degeneræ, agit: Tac. l. 12. & Vitellius tribuno insultanti respondit, Se tamen Imperatore eius fuisse, Tac. 19. & irascitur Paulus Persio nimis ad genua abiecto: Quid miser maximo crimine liberas fortunæ, quid ostendis te indignu pop. Rom. hoste fuisse, quid meos labores minus, meaq fortunæ cōmaculas? Pluta. in Æmil.

Non se ingerat pluribus quām opus sit officiis. Corbulo, cum Parthicum bellum ei esset commissum, ad Neronem scripsit, proprio Duce opus esse, qui Armenia defendere, Tac. l. 15. cur ita? secundis rebus moderandam fortunam ratus cùm ipse ei posset se immiscere. sic Moyses: Nō possum sic sustinere hunc populu, quia grauis est mihi. Num. c. 10.

Caveat contradictionis studio aliorum cōsilia excutere. caveat etiam ab ea existimatione. nam nec tunc cùm recte, prudenterque consulat, ei credetur. inde apud Tac. l. 14. Caius Cassius, simul quicquid hoc in nobis auctoritatis est, crebris contradictionibus destruendum non existimat. manabam, vt maneret integrum, si quando Resp. consilijs egisset.

Vt de tempore, ita dignitate prioribus recte loquendū est. de Deo & Sanctis religiosè, de Principibus reuerenter, de Magistratibus obsequiose. degeneris animi index maledicentia. quāvis enim magni ingenij sit, vt Princeps maledicta, senatores conuictia, & quilibet cordati probra conténant, eoq; magis, quo culpa vacant; manet tamen impudentia criminis, nec ideo est minor, nec magis tolerāda. David viuus contempnit maledicta Semei, & palatinos percutere volentes

7.

8.

9.

*Non se pluri-
bus inge-
rat.*

10.

*Caveat
studium
contradic-*

tionū.

11.

tetra.

retraxit, moriturus tamen vindictam filio mandauit. Vespasianus decreuit illicitum esse maledicere senatori. Sueton. in *Vespas.* Concilium Carthag. 4. c. cler. maled. 46. graui poena linguae petulantiam coercuit. quod & placuit Aristoteli polit. l. 5. c. 11. seruarunt plures Principes, & Magistratus. Borel. de Magist. edict. l. 3. c. 3. imminuit enim Majestatem Principum, Magistratum dignitatem simul, & auctoritatem. eoque magis, quo maledicus gradu altior. quare Claudius Cæsar dicere erat solitus, *non ita de pulice sicut de fera sumendum esse vindictam,* non ita ergo de eo qui potus ad arma profiliit scurrarum, plura etiam dicturus nisi vinum defecisset: ac de eo qui sciens prudens est conuictiatus. non ita de eo, qui iracundia calore & linguae præcipitio lapsus est, quam de eo qui nocturnâ vigiliâ crimen meditatus est, & in lucem proiecit. vt Nicolaus Francus vir non indoctus ob maledicos in Pium V. versus in laqueum actus est.

12. Erga benè meritos Remp. & Principes oportet gratos esse. *Gratus su.* uocat gratitudo virtutem; ingratitudo moratur, *Non est,* inquit Seneca de benef. quod tardiores facit ad bene merendum turbam migratorum. nam primum, *vt dixi, nos illam augemus,* deinde ne deos quidem immortales ab hac infusa dignitate sacrilegi negligentesque eorum deterrent. *Vt tunc natura sua & cuncta interq. illa ipsos munera suorum malos interpretes inuant.* hos sequamur duces.

13. Liberalitas. Liberalitatem in Principibus & Rebus p. sine profusione maximè constat, & amicos hostesque in gratiam pellicere. tum porrò maximè liberales esse conuenit, cum sua suorumque virtute hostilia loca subegerunt, quando non præda modò militibus, sed & partem victoriae Ducibus & magna meritis erogare, & quasi parti- ri conuenit: vicos, castella, ciuitates, territoria, in feudum dare. quod & remunerationem sentiant, & postmodum arctiori clientele obstringantur, præsertim nobili genere orti. vt de Vespasiano Sueton. in omne genus hominum liberalissimus, expletum censum senatorium, Consulares inopes quingentis festertiis annuis sustentauit, plures per totum orbem ciuitates terræ motu aut incendio afflietas restituit.

14. Titulus populum non irritet, præsertim nouis, inusitatis, atque odiosis. quo consilio Augustus cum Aegyptus primum sub Regibus esse desijt, nouitate fascium & securium, eum populum perterrefacere noluit. Nec adulatorium ijs compellantium voces admittat. vt Scipio Africanus à militibus Hispanis Rex salutatus; sibi maximum nomen Imperatoris (hoc tum nomine erant exercitu Daces) esse respondit: Regum nomen alibi magnum, Romæ intolerandum esse. Si quid in hominis ingenio amplissimum ducerent tacite iudicarent

rent, vocis usurpatione abstinerent. Liu l. 27. sic Augustus cuncta discordia civilibus fessa nomine Principis sub imperio accepit, laudibus elatus quod non regio vel dictatorio, sed Principis nomine R. emp. ordinasset, Tacit. l. 1. reliquisque eadem Magistratum vocabula, & l. 3. idem de tribunitia potestate; id summi, inquit, fastigii vocabulum Augustus repetit, ne Regis aut dictatoris nomen assumeret, ac tamen appellatione aliqua cetera imperia preemineret. & Nero initio imperij dicebat, teneret antiqua munia Senatus, Consulum tribunalibus Italia, & publicae Provincie affererent illi, patrum aditum praebent, se mandatis exercitibus consulturum pollicebatur, se negotiorum omnium Iudicem non fore, ut clavis unam intra domum accusatoribus & reis paucorum potentia graffaretur: nihil in penatibus suis venale, aut ambitioni peruum, discretam domum & R. emp. Rem scilicet affectabant, inania transmittebant. secus quam Alexander quem iuuenili adhuc, & gloriæ astu nimio exercitum Curt. l. 4. præcipue mouisse, ait, quod Darius sibi regis titulum, nec eumdem Alexandri nomini ascripsit. Hodiè res negliguntur, in titulis hæretur, litteræ, legationes, manu, & aspectu arcentur, si quid titulis desit, quamvis non debitum, sed affectatum dumtaxat. & minor est controvertia inter Principes, & Respub. de ciuitatibus & Provincijs integris viciis, bello restituendis, quam de titulis amittendis vel omissendis, qui post amissam possessionem per aliquot sæcula geruntur. Non ergo Index nominum aliquorum fastu animos ciuium alienos à se reddat; credat Euripidi hac in re, quam maximè: qui affabilitatem lucrum minimo impedio quæsitus nuncupauit.

Monitum seruet Tacit. l. 1. priuata odia publicis utilitatibus remittere. sic Fabius Max. rogatus, ut memoriam simultatum quas exercebat cum Lucio Papirio patriæ remitteret; silentio obstinato Papirium Dictatorem designauit, & insignem dolorem ingenti compressit animo. Liuius l. 9. & Tiberius Gracchus cum causa Scipionum coram eo ageretur, omnesque asperrimam sententiam expectarent, Scipiones absoluunt, professus inimicitias eum Scipionibus quæ fuissent manere, nec se gratiae quaerendæ quidquam fecisse. Liuius l. 4. Laudanda etiam vox Seruili (idem l. 27.) pluris se R. emp. quam collegarum gratiam estimare. & iterum Fabius apud Liuum l. 24. communi populi Romani ore laudatur, quod minoris iniuidiam suam si qua ex re oriretur, quam utilitatem R. emp. fecisset. Iterum Liuius lib. 36. ne suas quidem simultates pro Magistratu exercere boni exempli esse, & lib. 42. iniuria Consulis Romani & si instant minimè tamen in Magistratu exercendum. & callidus quamvis ille Princeps: priuatas inimicitias non vi Principis vlciscar. & illi similis Ludouic. XI. non oportere Regem Francie vlcisci iniurias Ducis Aurelian.

15.

Odia separat.

Odia ergo similitatesque priuatas publico incommodo non vindicabit, seponet. atque Remp. quasi eae non essent capescet, sed neque inuidiam, odia, aut fabulas vulgi curabit, ut à Magistratu re-
etè gerendo auocetur, aut ad mala consilia impellatur. ut quidam aliquando non ignobiles Duces. Neque enim, inquit Liuius, l. 44. omnes tam firmi & constantis animi contra aduersum rumorem esse possunt quam Fabius fuit, qui suum imperium minui per vanitatem populi maluit, quam secunda fama male rem gerere. Non ponebat enim rumores ante salutem. firmet animum exemplo Saul. l. 1. Reg. c. 10. audientis filios Belial murmurantes, Num saluare nos poterit iste? dissimulantisq; se audire. L. Volum. ob similitatem cum Appio Claudio expertus est, quam propè, inquit Liuius, l. 10. ad ultimum discrimen nuper ventum foret.

16. Maturâ deliberatione cùm res moram fert; cùm minus, soler-
ti aliquo consilio vtatur. sic Cecinna fugientibus legionibus proie-
ctus in limine portæ viam clausit, quia per corpus legati eundum
erat. Tacit. l. 1. & non absimile Plutarchus de Pompeio refert. An-
tonius primus raptum vexillum in hostes vertit. Tacit. l. 19. Cæ-
sar signiferum fugientem inuertit, non illic hostes esse, sed contra-
riâ viâ in illos eundum monens. Agrippinæ suggestum imperato-
rium condescere, & simul præsidere paranti Seneca monitu Nero
matri occurrit, ita specie pietatis obuiam itum dedecori. Tacit. l. 13. è con-
trario vituperatus Vitellius quod omnis humani diuinique iuris
expers, pari libertorum amicorumque sociordiâ velut inter tem-
lentos agebat. Tacit. l. 18.

17. Sapienter etiam Tiberius censuit non vndeum imperio, vbi le-
gibus agi possit. militaris executio violenter, & ferè hostilis esse vi-
imperio vbi detur, & præter cætera incomoda plerumque hæc inuoluit, vt
lege agi po-
sest. vnuis pro altero aut cum altero, cùm ad eum non spectet, luat. Iube-
minus, inquit Iustin. in Auth. Ut nulli Iud. liceat. Prouinciarum Iudices omnia
secundum leges vindicare, & peccantes tenere, & non alios pro alijs, aut ex
quibus natu sunt vicis, qui crimina præsumperunt alium pro alio comprehendere, aut damnum eorum inferre vicis. sed neque pignorationes facere propter pec-
cantem. Quibus tamen etiam in ciuilibus negotijs locum hodie fa-
ciunt non nullorum locorum consuetudines. non recte. obſistente
non tantum lege Nouel. Ut non fiant pignorationes pro alijs personis, &c.
sed & iustissimâ legis ratione, sacris litteris firmatâ: filius non porta-
bit iniuitatem patris. Sed iterum Iustin. in Auth. Ut Iud. sine suff. §. eas
autem, iubet Iudicibus deuotis paternè se exhibere, deinde subie-
ctos reseruare vndique sine violentia, nihil ab ullo eorum percipi-
entes, sed æqui sint in iudicijs, æqui in publicis disciplinis.
exequentes quoque delicta, innoxios quidem vndiq; custodientes
eos,

eos, qui puri sunt, reis autem pœnam imponentes, secundum legem, & ita præsidentes collatoribus, tamquam patres filijs; diligentes quidem eos, qui sunt innocentes: qui verò rei monstrantur castigantes, aut punientes, omnemque iustitiam in publicis & priuatissimis documentis eis seruantes.

Numquam omnino in negotijs priuatorum, vel tuitio militaris, vel executio tribuatur. *l. 1. de off. milit. Iud.* sed per apparitores Non militari executio. cuiusque, qui tamen olim numerosi erant, & pro districtus magnitudine plures, pauciorem sive. *l. apparitione. C. de apparit. Procon. l. 12. l. in off. de apparit. Com. Orien. l. 12. l. per Illyricum C. de cohortal. l. 12. & suo nomine milites. Adhibendi autem sunt, inquit d. l. per Illyricum ad huiusmodi ministeriorum obsequia non illi, qui vano militiae nomine immania lucra sectentur, sed qui necessitatem officij solicitudinibus debitibus exequantur. Sed neque matrem familiæ in publicum Iudex protrahi iubeat. *l. nemo. D. de off. diuers. Iud.**

Nulli quoque Iudici penitus conceditur neque ciuili neque militari, mittere per ciuitatem Prouinciarum, quibus præsidet, eos, qui vocantur loci seruatores *d. Auth.* Ut Iudices sine suffragio. *& in Auth.* Ut Loci seruatores non torem non confiruat. nulli Iudicium liceat habere loci seruatorem, nisi certis ex causis diuina concesserit iusso.

Leges omnium rerum sumptuarias reducere, seu nonas condere, pro genio populi vtile non minùs est, tam priuatim, quam publicè. *l. 20. Leges sumptuarias promoueat.* neque exauriuntur inutiliter domestica æraria, neque per paupertatem priuati stimulantur ad turbandam publicam tranquillitatem. & si qua publica incumbat necessitas, facilitis feratur ab opulentis, quam ijs quibus domestici sumptus nihil reliqui fecerunt ad publicas sumptuarias. conuiuiorum vestiumque luxus absunt, quod Reip. debetur, aurata fræna, balthea, calcaria, thôraces intertextum vestibus aurum, argentumque. Regius olim cultus viles mechanicosque tamquam personatos circumfluit; & absunt cum dedecore quod in monetam & publicas pecunias satis esset, & materia nummis subtrahitur, & infamia fraudibus æra subrogantur: lapillis, gemmisque vilia colla, & digitii cinguntur, quibus inuenientis diuinitatē Prouinciarum emituntur. nec viuis satis est luxuriari, nisi etiam in funere, & ex equis inutilis pompa superbiat, nec leges *De impensis quas fieri oportet in defunctionum funeralibus* morituri magis curant quam vivi. *Nonella de impensis, &c. Cenam,* inquit Tranquil. in Augusto cap. 74. ternis ferculis, aut cum abundantissimè senis præbebat. ut non nimio sumptu, ita summa comitate: cui nunc gregario capiti haec sufficiant, quæ Augusto? cui nunc ad sumptus funeralium satis est summa, cuius excessum saeculo

vno

vno vix dum lapsō Leo X. vetuit ipsis Cardinalibus : quōt hodiē sunt diuites epulones induiti quotidie vetitā purpurā, & bysso ! quot & interim Lazari, quibus micæ panis negentur, dum vlcera lingunt canes. velit Deus ne vt rem politicam hæc malè habent, ita eorum exequiæ nihil trahant ex funerē epulonis!

21. Collegia omnium artium fouenda sunt. vt Alexander Imperator, auctore Lampridio, sicut omnium artium, ita & vinariorum corpus & collegium instituit, qui negotiationem vini in urbem vēhendi exercerent. addito, ne quid peccaretur, officio Rationalis viñorū. qui & à Notitia imperij Rationalis appellatur. sic & saccarij (ita bainlos appellabant) soli merces in portum vectas com̄portabant. sed Comes portus curabat iusto pretio vt id fieret l. t.
C. Theod. de saccar. port. R̄om. non dispar reliquorum cura.

22. Iurū argu-
tias puer. Fraudem legi per argutias fieri ludex ne patiatur, minimē ipse faciat. Procul dubio committit in legetm, qui verba legis amplexus, contra legis nūtitur voluntatem. quām turpiter Tiberitis, cūm reperisset Vestales Virgines supplicio affici nō posse; nē lex violaretur, iussit, vt à carnifice laqueum iuxta compimeretur, exin oblisus faucibus in Gemonias abijceretur. Tac. lib. 5. sic cūm Senatus consulum prohiberet ne serui in dominos inquirerentur, iussit seruos Libonis emancipari. callicus & noui turis repotor. Tac. l. 1.

23. Presertim
in publicis
contrati-
bus. Quin & interpretatio fœderum, pactionum, actionumque publicarum non ad apices & tricas legistarum, sed viri boni & æqui sermonem rei cienda est. Mauritius Saxo de Haſsi liberatione Carolo V. ex consiliatoriū argutia quædā ad versutum ius flectenti, *At ego te, inquit, tamquam Imperatorem; non tamquam Iurisconsultum & legistam* volo pætiones & fœdera interpretari. quod Cicero in epist. ad Q. fratrem docet: possunt in pætioneſ faciendis non legem spectare censoriam, sed potius commoditatē conficiendi negotij & liberationem molestiae. Vidi- mus & nostrā ætate comitia in longas moras traecta, magnis super- cilijs peracta per subtilem patiōrum verborum insertionem, ac deinde interpretationem elusa esse, atque spe suā caruisse. Sanè Cæſar oportunitates sæpè insignes neglexit, ne, inquit, dici posset eos à se perfidem in colloquio circumuentos. Ianè candor & fides publica non leuem calumniam patiuntur, cūm specie colloquij, pactionumve id solum agitur, vt verbis dicipulæ imponantur, morævè nectantur; quibus aut oportunitates hostibus depereant, aut nobis qua- rantur. sed turpissem, cūm ritè initæ pactiones versipelli interpre- tatione corrumpuntur, atque violantur.

Quamquam in manu Dei mors, & vita nostra versetur, & apud eum momenta singula, in statera pendantur: tamen idem Deus natu-

naturæ cursum non interfecat, nisi speciali naru; adeoque causis 24.
secundis vires non adimit, neque morbis, neque remedijs. Quapropter ut singulis valetudinis conseruandæ, & recuperandæ cuta, & obligatio innexa est; ita & Iudicibus, & Magistratibus competit curare, quantum humana subsidia conferre possunt, ut morborum causæ auferantur, remedia suppetant. cui rei impensè fauent leges nostræ, & ciuitatum redditus archiatriis, & medicis, non exili parte, pro salario publico impendi permittut. l. 2. l. magistro. 7. l. Archiat. 9. C. de profess. & med. etiam promissâ immunitate eos inuitare. l. nec intra. cum seq. C. de profess. minores quidem ciuitates medicos quinque, maiores septem, maximæ decem habebant. l. si duas, 6. §. 1. & seq. D. de excus. tut. l. i. D. de decret. ab ord. faciend. & Principes olim magna salario statuerunt: & curialibus permittitur, ut ipsi eos elegant, quos morum probitate, & artis peritiâ spectatos cognouerint, quibus suam ipsi, & liberorum vitam committant. d. l. i.

Quare Iudices & Magistratus curare diligenter conuenit, vt in Repub. periti sint medici, pro magnitudine urbium, & populorum numero sufficienes, & maximè tempore alicuius mortalitatis & contagij, quando personæ atque ædes infectæ vitantur, ut iij medici non desint, qui eiusmodi morbos, causas, remedia noscant. nam si docemur quod non alere sit necare: & victus nomine etiam medicinæ veniant l. cetera. 44. de V. S. quidni intelligamus agrotos non curare, ijs adhibitis, qui curare sciant, necare esse? & cudem tanta vectigalia vrbibus ciues totâ vitâ pendunt, si cum semel in tali agone egent, despiciuntur? Itaque mortalitatis tempore Magistratus omnia quæ faciunt ad remedia infectorum & progressum contagij sistendum, & in ea necessitate pauperum subleuandam inopiam, quam maximè debet habere commendata. Magnâ laude ante paucos annos Senatus Hanno-montensis omnem ærarium in eam causam effudit, & immenso ære alieno vrbem oneravit, melioribus annis paulò post soluendo. Quin & Senatus nostrâ Antuerpiensis strenuè partibus suis functus est, pluribus nunc annis, quibus post finitas inducias, cum epidimia, peste, & varia id genus contagione conflictamur; editis etiam pluribus ordinationibus admodum utilibus pro ratione frigi huius climatis, quas etiam aliæ vrbes amplexæ, & imitatæ sunt.

Semper quisquis præst Reip. animo reuoluat quod monet Cl. cero 8. ad Atticum ep. ii. ut Gubernatori victoria, sic moderatori Reip. beatæ ciuium vita proposita est, ut opibus firma, copijs locuples, gloria ampla, virtute honesta sit. nam, ut idem ait, ut tutela, sic procuratio Reipub. ad vitam eorum qui commissi sunt, non ad eorum quibus commissa est, gerenda est.

est. quod communiter omnibus prodest, hoc rei priuatæ & utilitati Principis præferendum. l. 2n. §. hæc autem. C. de cäduc. tollend. Imperialis benevolentiae proprium est omni tempore subiectorum commoda inuestigare. l. 23. C. de nupt. salutem Reip. tueri nulli magis conuenit, quam Principi. l. 4. D. de off. præf. Vigil. & subinde omnibus Reip. moderatoribus, ut beata illa sit, beatitatem quatuor finibus circumscribit Orator.

27. I. Ut opibus firma sit, publicè priuatimque. euerritur ergò luxus, prodigalitas, libido, otium, quæ opes absumunt. Alcibiades ciuitatem negotiosam, si negotium cum otio commutet, statim euerctionem, aut ut minimum status mutationem passuram censuit.

28. II. Copijs locuples sit. nam qui rem perdidérunt, prodegerunt vè, innotis rebus spem ponunt. ubi opes defecerunt, ad facinora animis incenditur. contemptui est paupertas, ut priuata, ita publica, nec domi reuerentiam, nec apud hostes metum reperit.

29. III. Gloriâ ampla sit. in glorij degeneres animos gerunt. honos alit artes. amplitudo gloriæ ad omne genus virtutum propellit, ad res bene gerendas, ad Rempub. defendendam, augendamque.

30. IV. Virtute honesta sit. hæc summa rerum. non enim fœlix Respubl. stantibus moenibus, ruentibus moribus. Vespasianus adoleſcentem præfecturâ donatum, quod vnguento fragraret, incripsum officio destituit. quod nunc hodie ea censura deiiceret: quam pauci allium, laborem, vigilias, sudorem bellicum obolent.

Ad deteriora faciles sumus, nec primum tantum est iter ad vitia, sed etiam præceps. natura ipsa in deterioris prona est, & quibusdam blandimentis lenioribus in vitia præcipitat. oppoendi labores ridenti naturæ, eradicandis vitijs, danda opera serendis, alendis virtutibus. nec ignorare debet quisquis Magistratui impositus est, totius ciuitatis mores ad exemplum corum, qui præsumt conformari.

31. Quam exemplo moneat, & quibus in rebus? Itaque non postulet ut alij modestè viuant, suam modò ipsis continentiam proponat, parum esse credit negotij continere eos, quibus præsit, si se ipse contineat. Veram tamen continentiam animique moderationem seruet, ac præ se ferat. non fruatur laude per blandicias adulteratâ, sed stabilitâ per veritatem. Vera virtus, atque animi magnitudo nihil ad ostentationem, omnia ad conscientiam refert: recteque facti non ex populi sermone mercedem, sed ex facto petit, animo magis quam voce laudari cupit. Cupiditas tamen gloriæ nocet immoderatius appetita: ergo tantum dumtaxat gloriæ desideret, quantum satis est ad conciliandam in rebus gerendis auctoritatem. Summa & perficiens. l. 2. de off. constat ex

tem. Summa & perfecta gloria iudice Tullio l. 2. de off. constat ex his tribus, si diligit multitudo, si fidem habet, si cum admiratione quadam honore nos dignos putat. Multi hodiè, nec multitudinis amorem, nec fidem curant, fallere illam modo possint. & quamuis in admiratio- ne aliqua sint, non ea est perpetua. temporis filia veritas, fucos & vela tollit, admirationem etiam exinde, & verum honorem fraudumq; partus interimit. Vera autem virtus ipsa vetustate florescit, & apud posteros manet gloria illius sempiterna.

Sed neque gloriam ex vano aspectu auri fulgore atque argenti parat. turpe credit ei, qui animum habet, captare laudes ex corpore. astrikti moris amator, antiquo ipse cultu, victuque ad viuendum credit, velut ad natandum eum meliorem, qui onere sit liberior. commodatis à Deo facultatibus vtendit, quasi precarijs possessionibus. debere opulentiam sine reprehensione, parsimoniā sine sordibus esse. delicijs, otio, langtore, desidiā animum infici, viuere debere ad exempla, ratione componi, non consuetudine abduci. remouere pompam, vsu rerum ornamenta metiri, fugere epularium libidinem, non moueri supra necessitatem esculentis, & poculentis; fugere quidquid inducit obliuionem sui, & rerum agendarum. quidquid obscenū dictu, visu, auditu. neque enim obscena petulantia mensis oberrare debet. sed benigna invitatio, & liberales ioci, & studiorum gloria. nec loquaces contiuæ, nec muti legendi. sermones id temporis habendi, nō super rebus anxijs, sed iucundi atq; ineuitabiles, & cum quadam illecebra, & voluptate vtiles, ex quibus ingenium nostrū vēnustius fiat, & amoenius.

Eodemque modo relaxations animi admittendæ. amant alterna Camœnæ, omnis vita nostra in remissionē ac studium est diuisa. nascitur ex assiduitate laborum, animorum hebetatio quadam & languor. laudabilis remissio, quæ nec gerendis rebus ullum impedimentum gignit: quæ ludos non admittit, ex quibus crimina oriuntur, dignitas diminuitur, opes amittuntur. laudabilis maximè remissio, quæ eruditorum virorum sermonibus vtitur: quedam virtutis exercitatio est cum bonis viris conuersati, non cum quibus iucundissime tempus quis conterat, sed quotum operâ adiutus Republicā gubernet. sed & musica animi curas pellit, & tristitia, vénatio etiam & equestris exercitatio in viris principibus isti primis laudāda.

Peregrinatio etiam ad animi relaxationem, & voluptatem insti- tui potest, & maximè à iunioribus nondum ad Rēmp. admotis. mirè illa ad prudentiā facit, eamque cum voluptate parturit. prudentiores illi semper habitu sunt, qui multorum hominum conuersationib; probarentur eruditæ.

32.
In quibus
vera gloria

33.
Quibus
moribus?

34.
Animi ré-
laxations
an & que
laudandas

35.
Maximi
peregrina-
tio.

36. In ijs potrō qui iam Magistratibus impositi sunt; maxime
Intra Pro- contuenit prouinciam omnem obeirare. Principibus etiam adeun-
vinciam in da s̄æpiū longinqua imperij. vt nescant Rempublicam, quan-
promotis ad tum sociorum ciuiumque in armis, quot classes, prouinciae, tri-
Reimp. & quare? seu buta, vctigalia, necessitates, largitiones. multi ignorant vires suas,
qui bus in & dum se tam magnos quam audiunt credunt, attrahūt superiuacua,
rebus? & in discrimen rerum omniū peruentura bella. Traianus cognovit
 per stipendia decem mores gentium, regionum situs, oportunitates
 locorum: & velocissimi syderis more omnia inuisere, omnia audire,
 & vnde cumque inuocatum statim veluti numen adesse, & alsistere
 solebat. Solus s̄æpē aspectus Principū ac nutus magnos motus co-
 pescuit. Rex, inquit Sapiens Prouerb. 20. sedens in solio dissipat omne malū
 intuitu suo. nihil promptius ad intelligendas prouincialium querelas,
 atque expilatores publicos noscendos, & constringendos, & in om-
 nem Reipubl. causam, & casum expedite prouidendum. alias per-
 quam s̄æpē ex distantibus terrarum spatijs consilia post res affo-
 runtur.

Quoniam autem nullum animal morosius est homine, vel ma-
 iori arte tractandum: nihil magis prouinciales turbat, & ad motus
 ciet quam priuilegorum olim concessorū contemptus. vnde Cho-
 kier Polit. lib. 2. c. 2. Regem Franciæ aliosque solemni inaugura-
 tione iuramento ad eorum obseruantiam adstringi tradit. & Ioannem
 Angliæ Regem an. 1216. quod illud detrectaret, adeò à suis desertum
 fuisse, vt tres tantum aliquando equites illum affectarentur. Super
 his querelas Rex moderatorve Reipubl. prouincias obiens, tempe-
 stiuē intelliget ac maturè prouidebit. videbit quanta sit vis tempo-
 rum in Republ. quanta varietas rerum, locorum geniorumque.
 quam incerti exitus. quam flexibiles hominum voluptates. quid
 insidiarum, quid vanitatis in vita fit. nulla horum melior magistra,
 quam peregrinatio, & oculis subiecta pars vnaquæq; Reipubl.

Intelliget, etiam quos Magistratus ostendar, viros: qui spei re-
 spondeant, qui spem fallant: qui in melius, qui in dexterius mutati
 sint, qui pares, qui impares officijs habeantur. nihil perspicet inter
 homines inæqualius, & lethalius, quam ignavum, & fortē virum
 æqualia consequi.

Parui refert à Principibus ius dici æqualiter, & diligenter, nisi et-
 iam ab ijs fiat quibus illi eius munera aliquam partem concesse-
 rint. Fertur Carolus V III. certis diebus de querelis prouincialium
 cognoscere solere. tametsi autem ipse non multa perficeret, tamen
 eo pertinebat institutum hoc, vt præfecti in officio, metuque con-
 tinerentur: quod satis utrumq; erat ad iustitiæ administrationem.

Pere.

Peregrinatio id etiam commodi habet, vt dum mores hodie
nos videmus, præteritos sciscitemur, & in historiarum cognitionem
traducamur. ybi prudens inuenit vnde sapientior fiat: bellator,
vnde animi virtute roboretur: Princeps, quomodo subditos sub
æqualitate componat. magno semper usui est memoria rerum ge-
storum. viam probè Remp. administrandi ostendit. optima ad agen-
dum institutio, commemoratione rerum ab alijs gestarum. Optime
ille institutus est, qui peregrinando quod apud quamque gentem
optimum est, edidicit. & exinde ad usum, qui omnium magistro-
rum præcepta supererat, traducit. eo enim fine discendum est, vt ad
Remp. doctrina transferatur. & quemadmodum Medici pharma-
cum ad unum morbum fugandum efficax, ad finitimos transfe-
runt: ita quæ quisque una in re didicit, ad proxime cognatam tra-
ducat. ita experti certius, citiusque quod intendunt consequuntur,
quam ij qui rationem absque experientia tenent.

De inimicitijs etiam ita semper prudens statuat, vt Reipub. con-
donandæ sint, vitandæ earum origines diligenter, conciliatio ex fide
seruanda; sed cautè, vt suspecta. Iniuriarum semper est memoria.
Circa ini-
micitias
prudenter
agendum
quicquid offendit ægrè eximitur, aut obliteratur. Non credas in-
mico tuo in eternum; sicut enim æramentum æruginat nequitia illius. Eccl. 12. & qut.
Nunquam fidelem habeas tibi, inquit Senec. quem ex inimico amicum habue-
ris. quamvis enim multi speciosè magis iniurias beneficijs vincere,
quam mutui odij pertinaciâ pensare se malle simulent: multi tamen
sunt in animis hominum recessus, in quibus odium recondunt.
Quantæ sunt, inquit Cicer. infidelitates in amicis? quam ad tempus aptæ
simulationes! quantæ timiditates! hæc est celeberrima virtus, hæc animi sus-
cipiendi moderatio, vincere iram, & inter simultates quoque vincere animum.

Igitur neque irasci oportet eum qui Reipub. præest, quoties se
materia, quoties se res offert. quod enim momentum est, quo non
improbanda videat: omnia si consecetur, nunquam irasci desinet,
omnis illi per iracundiam, mœroremque vita transibit. Optimū est
ad primum mali sensum mederi sibi, tum verbis quoq; suis mini-
mum libertatis dare, & inhibere impetum, quod quidem et si nō est
perfectæ sapientiæ, tamen est non mediocris ingenij: imo non infe-
rioris, quam omnino non commoueri. ut fumus oculos mordieant
non sinit vel id quod ante pedes est videre: sic ira exurgens obtene-
brat rationem. est ira sui impotens, decoris oblita, nec situdini-
num immemor, in quod cœpit pertinax & intenta, rationi consi-
lijque præclusa, vanis agitata causis, ad conspectum æqui veri-
que inhabilis, ruinis simillima, quæ super id, quod oppres-
re, franguntur. absit longissime ab ira, & quæ illam conlequitur

vindictæ cupiditate, quisquis rectè præesse voluerit; neque admittat, vt per eam à recto vnquam abducatur. Assuerus iratus quamuis, & nimio furore succensus, quod eius iussa Vasthi contempserat, nihil mox in eā statuit, sed interrogauit, inquit Codex sacer, Esther. 1. sapientes, qui ex more regio semper ei aderant, & illorum faciebat cuncta consilio, scientium leges, & iura maiorum. cui sententia Vasthi Regina subiaceret.

39. Ad extremum hortari rursum lubet, vt quisquis Rēpubl. Circa finem. moderatur, fidem, dictorum conuentionumque constantiam seruet. Eam in Capitolio vicinam Ioui statuerunt Romani, vt tamquam Numen, ac certissimum humanæ salutis pignus coleretur. quibus persuasum erat, nisi in fide stet Resp. opibus non staturam. Seruanda est igitur fides; præsertim iurata, aut alioquin ritè ac publicè pacta ciuibus, Provincialibus non tantum, quin & hosti, etiam iniusto, & prædoni, subditisque rebellibus, sed etiam proditioni. vt rectè in Onosandro scriptum. tametsi Aiala de re mil. l. 1. c. 6. n. 6. aliter sentiat; quia omne iuramentum est seruandum, quod non vergit in animæ præfudicium. vnde & iniusto bello victus, non suo marte fidem non exoluit, sed alter iubetur promissa relaxarc. c. sicut. 29. x. de iure iur. & inter simplicem loquelam, & iuramentum Deus nullam vult esse differentiam; & sicut in iuramento nullam conuenit esse perfidiam, ita quoque in verbis nostris nullum debet esse mendacium c. iuramenti. 22. q. 5.

Vinculum tamen iniuritatis non est, adeoque iniusto bello capta non obstante iuramento de rebus ablatis non repetendis restituenda sunt d. c. sicut. malè ergò promissa, & quæ sine scelere non adimplentur, præstanta non sunt.

Altera promissi non implendi excusatio est, si alter fidem ipse non præstat. d. c. sicut. §. fn. utique in rebus connexis, secus in separatis. cap. inter cetera de rescript. l. quæ religios. de rei vendic. Aiala de re mil. d. lib. 1. c. 6.

Præter has causas quisquis publicæ rei admotus est, aliam non admittere semper statuat, nec regnis postferre fidem, tametsi corrupti iam, & depravati sunt multi, quorum omne artificium in decipiendo consumitur: quin & omnimodè satagat, vt fides seruans sit ipse non tantum, sed & talis credatur. atque ipse credat quod nulla res vehementius Rēpublicam continet, quam fides.

40. Fiscalibus causis non Et quoniā in adagiū trāsijt nō solere sub bono Principe bonas esse fāvendum, fiscales causas, cōuenit omnib⁹ istis officijs, quę ex alieno cōpēdia sua & officijs fīctiū se fectātur, imponi homines nō aquilinoꝝ, vultureoꝝ, sed miti ingenio, imponendī, qui

qui rem duram non ipsi exasperent, in dubio contra fiscum facile sentiant, & aduersus eos etiam quos reos credunt, non excandescat; sed benignitate actionem, modumque temperent: qui in fiscalibus compendijs non legum verba, in quæ quis imprudens forte impegit, sectentur, sed voluntatem, animamque legis, rationem. & hanc semper ad sensum humaniorem benignoremque traducant, præsertim ubi de tributis, vectigalibus, & fiscalibus lucris agitur, & ob illa non ritè agnita mercium commissarum pœnis. quæ dum durius solent esse exactæ, magno Principum Rerumque pub. damno ad liberiores stationes mercimonia migrant, vectigalium damna, atque imminutiones immensas imposterum, & tandem publicam priuatamque post longa fastidia egestatem parturiunt.

Lubet hæc Miscellanea monita concludere per dimissionē nondum saturi lectoris ad Socraticas Iustiniani Authenticas de Præside Pisidiæ, Prætore Licaoniæ; Thraciæ, Hellesponti, Paphlagoniæ, &c. quas ubi iterum, iterumque legerit, videat an non leget;

Iam satis est, ohe, libelle.

LIBER QVARTVS

CAPVT PRIMVM.

De Iure Maiestatis,

NE cui mirum videatur non tantum nos politiæ administrationique Reipub. libro tertio, sed etiam negotijs autocratiæ atque Imperij hoc libro quarto nos immiscere, memoriâ repetitum volumus, quod initio diximus, dum Iudicem exhibemus, non tantum pedaneum, sed & maiores etiam atque supremos intelligere, pro more loquendi, quo Iustinianus in *Authent. de Indicibus*, atque in *Codice lib. i. C. tit. 29. Usque ad finem. & l. i. D. Usus est. l. 12. C. & alibi* passim iuris nostri auctores usurparunt, quo modo veteres, inquit Ascon. *ommem Magistratum*, cui pareret exercitus, prætorem appellariunt, quod reliquis præiret, unde & prætorium tabernaculum eius dicitur, & porta præatoria, quæ exire solet, & hodiè quoque *Præfetus prætorio*, item milites prætoriani, & cohors præatoria. & tamen scimus non minus edictum Prætorem proponere solere, ex quo ius diceret, ex eoque natum exinde edictum perpetuum, & partem magnam iuris nostri atque iudiciorum prætoriam esse, vocarique; ut mirum non sit sub uno